



Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

9. De tempore, quo preces horariæ persolui debent.

urn:nbn:de:hbz:466:1-14077

breue tempus interrumptatur. Quidam generatim sentiunt, non esse repetendum etiam interruptum ad longum tempus. Sed probabilius videtur, quod Nauarrus, & Medina docent: quia interruptum ad longum tempus, videtur finiri, non continuari.

Sexto queritur, An qui Horariam precationem interrupit per risum, iocos, aut sermones aliquos otiosos, & vanos, debeat eam repetere? **Respondet**, minime, ita Nauar. de orat. ca. 16. nn. 75. nisi quod dupliciter est peccatum; nimis, precatio nem interrumpendo sine iusta, & legitima causa, & otiosum verbum, aut vanum opus intermissione: sed in vitroq; venialis tantum noxa contrahitur.

Septimo queritur, An qui preces Horarias interrupit animo, & voluntate non continuandi reliquum, quod superest; sed repetendi, quod est ante recitatum, Horariū pensum exsoluat, si postea continuet, nec repeatet? **Negant** Nauarr. de orat. t. 16. nn. 73. & nn. 74. & Medina de orat. q. 16. verbi. **De tertio**, eum satis facere suo muneri, & officio: quoniam actus ultra mentem, & voluntatem non se protendit, ac fundit. **Quidam alij** generatim respondent eum suo officio satis facere, etiam si nihil repeatet, quia potest, inquit, voluntatem mutare, & ratum habere id, quod recitauit animo, & voluntate repetendi. **Sed distinguendum** est: aut enim is, cum ab initio coepit preicationē Horariam recitare, in animo habuerat postea totum repetere, & tunc locum habet Nauarri, & Medina sentient, aut initio non habuerat in animo iterare; sed reliquum continuare, & tamen postea animum, & voluntatem mutauit, quia statuit repetere, quod ante iam recitauerat, & tunc non cogiturn repetere, licet enim est nobis ab ea voluntate recedere, & primitam reuocare. Verbi gratia, coepi recitare Tertia hora preces, & eas interrupi animo & voluntate repetendi, quod dixeram, debeo postea repetere, vt Nauar. & Medina sentiunt, nam legi, & pracepto non satisficio, cū in animo est mihi voluntas contraria non satisfaciendi. Si tamen interrupi, nec fuit in meo animo iterare, & postea cum preicationem Horariam refuso, volo repetere, fas est mihi eam voluntatem mutare, ita ut nihil repeatam, dum modo quod intermissum est, profequar: nam totum quod est antea recitatum, valet, ut dicam in ferius ex sententia Nauarri. Et idem iuris est de sacro, quod quis in die festo audit ratione praecetti, quo tenetur: nam si initio in animo habet aliud sacrum audire, ut Ecclesiæ praeciput impiebat, audire illud debet; siquidem nondum Ecclesiæ satisfecit. Si autem non statuit aliud audire, eo tamen auditio, decreuit aliud audire, non cogiturn alteri sacro interessere, est enim ei licitum à voluntate recedere, & ratum habere primum sacrum, quod audiuit. Item, si quis preces Horarias reciteret voluntate legendi eas solū, non ordinandi, debet eas repetere: quia legere, non est orare.

Octauo queritur, An idem iuris sit de ceteris, qui vel ratione voti facti, vel poenitentia à Confessario inuncti, vel Regula monastica debent aliquas alias preces recitare? **Respondet** Nauarri, idem iuris esse nec immerito, quoniam pre-

ces Canonice iustis de causis interrumpuntur, ergo & aliae preces. Cum item alicui praecipuum datur, ut quinque tempora, vel aletaria per unum diem inuisat, illud obseruat, etiam si interrupit Horis, intra eandem diem id faciat. Hinc est, vt iij, qui quotidie recitare debent eas preces, quas vulgo vocamus Rosarium, Coronam, vel Palastrum B. Virginis, eas tuta conscientia per solvant, etiam si manū certam partem recitent, & aliam sub meridiem, & aliam ad Vesperam ob occupationes, quæ passim interdiu incidere solent.

Nono queritur, An Diuinum officium incepimus, & iusta de causa interrumpit, iterari, ac repeti debeat? **Respondet**, minime. Sic Nauar. tr. 1. de orat. cap. 10. num. 42. & cap. 16. num. 66. & sequentibus, nam legis, & pracepti substantia seruatur, etiam si interrumpantur preces, sic etiam Medina de orat. q. 19. ad finem.

Caput IX.

De tempore, quo preces Horariae per solui debent.

Primo queritur, An certis, statisq; horis Diuinum officium fit recitandum, vi canonum, siue iuris communis, cum priuatum a Clerico per soluitur? **Respondet**, Clement. i. de celeb. Missarum constitutum esse, vt diurnum, & nocturnum officium, in Ecclesijs, publicè temporib; debitis per soluantur, siue sint Ecclesiæ, quas vocam Cathedrales, siue Collegiate, siue Regulares, in quibus de more concinuntur Horariis preces. Sic Glossa in illa Clementina. Sic Innoc. Hostien. Iohannes Andreas, & Abbas in cap. i. de celeb. Missarum. **Sed** quamvis ius nihil ibi constituerit de his, qui priuatum extra Chorū pensum Horarum exsoluant, nihilominus tamen inter omnes conuenit iuris esse communis, vt ex etiam preces suis temporibus opportunè recitentur, quod rideat colligi ex i. de celeb. Missarum.

Secundo queritur, Quodnam sit opportunum tempus in quo cuiuslibet preicationis Horarii, & Canonice pensum est per soluendum? **Constat** est omnium opinio, Primam recitari debere vna hora ante, vel post Solis ortum, cui conponat Hymnus:

Iam lucis orto fidere.

Tertiam, hora tercia à Solis ortu: Sextā, hora meridiana: Nonam, tercia post meridiem hora: Vesperinam, hora duodecima à Solis ortu: Completam vero, hora post Solis abscessum appetente iam nocte: Nocturnas vigilias cum laudibus manuinis ad medium noctem, aut quarta vigilia noctis, hoc est, vna, duabus, tribus, horis ante ortum. Hæc sunt debita tempora secundum Canones, & iura. At vero vsu receptum est, ut singularum Horarum officia per soluantur, iuxta conuentum prouinciarum, vel patriæ.

Tertiō queritur, An satius sit preces Canonicas anteponendo recitare ob negocia, & occupations sapientis incidentes, quā postponendo, conueniunt omnes, satius esse anteponere, ob eā causam, quod attentius, studiosius, religiosius recitari soleant. Deinde, quia in cap. Presbyter, de celeb. Missarum, & cap. Presbyter, dist. 91, consilium datur, ut Clerici varijs occupati negotijs, mane Diuinum officium

officium, usque ad Vespertinum persoluant; & deinde suis rebus attendant. Vnde passim traditur ab omnibus, negligentia esse Horarias preces postponere, prouidetis verò præponere. Ob
ncies id, quod Innocentius, Hostiensis, Ioannes Andreas, & Abbas in cap. i. de celebra. Missarum, refèrentur de quodam Eremita, cui, cum ante tempus Diuinum officium persoluebat, Angelus vuas acerbas deferebat, quas ederet; aliquando verò maturas porrigebat, aliquando marcentes. Et cū rogaretur Angelus, cur modò acerbas, modò maturas, modò marcentes vuas ipsi afferret. Repondit, quia ipse aliquando tempus Diuinum officij præueniebat, aliquando postponebat, aliquando opportunè feruabat. Ergo (inquit) Horarias preces præponere iure non licet. Repondeo, iure suis temporibus singulas Horarias preces recitandas; nihilominus tamen tutu conscientia absque villo peccato ob negocia, & occupationes communes, & quæ passim occurruunt, vel anteponuntur, vel postponeantur: præstat autem anteponere. Ille verò Monachus, quia solitariam vitam agebat, suis temporibus Diuinum officium persolueret iure cogebatur. Hinc etiam est, ut de quodam Episcopo memoretur ex Petro Damiano in epist. ad Desiderium de miraculis sui temporis, cum post obitum suum penas in igne purgatorio perpetuum, quod in aula Principis verlatus, Diuinum officij pensum minime suis temporibus exsoluere consueverat. Videbat ille, vel plusquam par erat, aulam regiam frequentauerat; vel preces Horarias publicè in Ecclesijs tempestivè cantandas non curauerat, vel ipse priuatum casplus æquo, & sine causa iusta anteponebat, vel postponebat.

Quarto queritur, Quomodo intelligatur id, quod dicitur in Presbyter. De celeb. Missar. &c. Presbyter. q. 91. Videbat, ut Presbyter mane sue servitutis penum expedit, Primam, scilicet, Tertiā, Sextam, Nonam, & Vesperam. Quidam è quibus est Sylva Hora. q. 9. existimat eum locum sic esse intelligendū; ut Clericus negotijs implicatus, statim mane omne pensum Horarum exsoluat usque ad Nonam, Vespertina exclusa: quod ita facere solent Clerici, qui in curia Romana commorātur. Sed certè eo loco etiam Hora Vespertina includit, sic enim dicitur: Presbyter mane, Matutinali officio exploto, pensum servitutis juc, videbat, Primam, Tertiā, Sextam, Nonam, Vesperamque persoluat. Ergo licet Clerico negotijs, & occupationibus distento, mane omnes Horarias preces, etiam Vespertinam recitare, nec aliter cum locum Innocent. Hostiensis. Ioann. Andre, Abbas, & alij intellexerunt. Quare res, quam habeant sententiam ea verba, quæ statim sequuntur: Ita tamen, ut horis competentibus, iuxta posibilitatem, aut à se, aut à scholasticis publicè compleantur. Nam si mane omnes Horaria preces recitari queunt: quorsum illud: ut horis competentibus compleantur? Respondeo, his verbis concedi Clerico, ut priuatum extra chorum mane Horarias preces peroret, & curet insuper, ut publicè in templo à ceteris Clericis Minoribus, quos ibi ius Scholarum appellant, tempestiuè decantentur.

Quinto queritur, An Nocturnæ vigiliae vñā ci
 Matutinis laudibus priuatum à Clerico persolu-

queant in Vespera diei proximè præcedentis, vi
 delicet hora vna, duabus, tribus ante Solis oca
 sum? Questionem mouer in primis, quod non
 nisi in media nocte, aut ea transacta fundi, & re
 citari possunt. Deinde preces huiusmodi noctur
 na ad diem subsequentem pertinent: ergo sicut
 diurne preces sequentes, videlicet, Prima, Tertia,
 Sexta, Nonas, ante medianam noctem recitari neque
 unt, ita nec preces nocturnæ dies n. subsequens,
 quod ad Diuinum officium persoluentū spectat,
 incipit à media nocte, & productur usque ad me
 diam noctem diei sequentis. S. Thom. quodlib. 5. ar.
 viii. ad 1. cum hanc questionem agitas, respōdit
 in hunc modum: Si aliquis post dictas Vesperas, & Com
 pletorium, dicat Matutinas, si hoc faciat propter laetitiam,
 ut quietis somno, & voluptati indulget, absq; peccato non
 facit: si verò propter necessitatem licet, & honeste occupa
 tionis, absque villo peccato facit. Sic ille. Sed multus hoc
 difficile videtur: nā fieret inde, ut integrum esset
 Clerico nocturnas preces recitare tribus horis; im
 mò etiam quatuor ante obitū Solis: eo. n. tempo
 re, aut paulo ante, precario Vespertina, & Com
 pleta recitari solent, & possunt, cum tamen pas
 sim Romani Pontificis pruilegio, pluribus con
 cedatur, ut nocturnas, & matutinas preces ho
 ra vna ante Solis abscessu perorare queant. Quod
 si aliqui, ut ait S. Thom. iure tribus, aut duabus
 horis ante Solis occasum recitari possent, Roma
 ni Pontificis pruilegio opus non esset. Ait qui
 dam Sancti Thomae locum sic esse accipendum,
 precatoriis Canoniciis, videbat Vespertina, &
 Completa opportune, & convenienter iuri,
 recitatis videbat hora diei duodecima, & oc
 cumbente Sole, licetum esse Clericis nocturnas
 preces, & Matutinas exsoluere: tunc enim persol
 uentur appetitibus iam noctis tenebris. At reue
 rera hic sensus cum Sancti Thomæ mente non con
 gruit: nam eo loco querit, ut ipsius verbis utr,
 Virū lucis Clerico, qui tenet ad Horas Canonicas, dicere
 Matutinas sequentes diei de sero. Et ait. Respondeo: si hoc fa
 cit ob necessitate licet, & honeste occupationis: puta si Cle
 ricus, aut Magister debet videre lectiones suas de nocte, vel
 propter quid aiud huiusmodi, licet potest dicere, & in alijs
 Horis Canonicas tempore prævenire: sicut esset hoc idem in
 solennib. Ecclesijs. Et ad primū respondens, ait: Di
 cendum, quod quantum ad contractus, & alia huiusmodi, dies
 incipit à media nocte: sed quantum ad Ecclesiasticum officium,
 & solennitatum celebritates, incipit dies à Vespere. Unde
 si aliquis post dictas Vesperas, & Completorium dicat Ma
 tutinas, tam hoc pertinet ad diem sequentem. Ita Sanctus Doctor. Ex quo peripicitur sententiam eius suis
 le, ut in Vespere diei præcedentis Nocturnæ, &
 Matutinæ preces, quæ ad diem sequentem perti
 nent, tutu conscientia persolui queant.

Alij Sancti Thomam sic interpretantur: Ut sta
 tim post Vespertinam, & Completam preces re
 citatas, iure persolui queant Nocturnæ, & Ma
 tutinæ precatiores, dummodo Vespertina, &
 Completa post Nonam suo debito tempore re
 citatas soluerentur. Et quia precatio Nona
 recitari debet tribus post meridiem horis; sequi
 tur, inquit, ut Nocturnum officium exsolui
 posse sit tribus horis à meridie, & tribus, duabus
 horis ante Occidentem Solem. Verumta
 men ne hoc respondum mihi probatur: neque e
 nim cum iure ipso conuenit, iuxta quod Vesperti
 na, &

na, & Completa preces recitari debent duodecima hora diei, & post Solis Occasum, vel paulo antea: Nec item cum Priuilegio Romani Pontificis, qui nonnunquam Clericis indulget, ut una hora ante Solis occubitum nocturnum perfoluant officium. Doctrina igitur, & sententia S. Thomae illa mihi simplicior, & planior videtur esse: ut Nocturnum officium non quidem iure communī, sed consuetudine, & vnu pro more patriæ, siue prouincie cuiusque perfoluit queat à Clericis priuatim, statim, atq; Vespertina, & Completa preces recitare fuerint, eo tempore, quo de more perfoluantur, tribus videlicet, duabus autem horis post meridiem elapsis. Hoc enim efficiunt S. Thomae rationes, nempe quod Ecclesiastici officium inchoetur in diebus festis, ab hora Vespertina: hoc enim in iure locum non habet: quia incipit officium, cum sit quotidianum à media nocte, & durat usq; ad medium noctem, in qua finitur, & definit: alioquin ratio S. Thomae probaret Primam, Tertiam, Sextam, & Nonam pertinentes ad diem sequentem, recitari iure posse, pridie ad Vesperā. Item, quod in celebrioribus Ecclesijs Nocturnæ preces, statim post Vespertinam, & Completam Horas de more publicè decantari soleant. Deinde, quod melius sit, Deo pensum Horarum anticipatio reddere. Item, quod debitorum viatio non vertitur, si anticipata solutio creditorum debitum reddat. Ex quo sit, meo iudicio, ut in aestate, iuxta consuetudinem in prouincia, vel patria receptam, Clericus Nocturnum officium perfoluat in Vespera, videlicet hora vigesimal secunda, aut statim post vigesimal primam secundum horologium Italicum, cui respondeat, iuxta horologium Germanicum, Hispanicum, & Gallicum, hora quinta, vel quarta à meridie in aestate, & in hyeme secundum horologium Italicum, statim post horam vigesimal secundam, aut paulo ante vigesimal secundam: & iuxta horologium Germanicum, hora quinta, aut quarta pomeridiana. Hoc enim communī Clericorum viu, & consuetudine receptum in multis Italiz, & Hispaniæ prouincijs videmus: & triduo ante Pascha etiam publicè in Ecclesijs, Nocturnæ vigilæ, una cum Matutinis laudibus decantantur, tribus, aut duabus horis ante Solis occasum. Et per Hispaniam vnu est introdūcum, ut in Ecclesijs Cathedralibus Canonici cantent ante Solis abscessum in choro Nocturnas preces, & Matutinas laudes per continuos septem, aut octo dies, in quibus recolitur anniueraria celebritate festus dies Domini corporis.

Hic tamen nonnulla opponuntur. Primò, Nocturnæ preces ad diem pertinent subsequentem, ergo nequeunt pridie recitari: alioquin enim omnes aliae preces unius diei pridie solui possent. Deinde, quia alioquin Prima, Tertia, & Sexta, iure quoque pridie ad Vesperam recitarentur. Respondeo, in recitandis precibus Horarij plurimum consuetudinem valere, quæ ius scriptum Iep̄pius ex toto abrogat, aut ex parte tollit. Consuetudo autem alieubi inualuit, ut Nocturnæ preces pridie ad Vesperam soluantur, non autem ceteræ diurnæ. Immò, vbi viu approbatum non fuerit, ut Nocturnæ preces pridie recitentur in Vespera, recitari debent, tempore iure communī præ-

scripto. Deinde, huiusmodi argumentum nullius videtur esse ponderis, & momentis enim consideretur, Nocturnas preces ante medium noctem non esse perfolandas, quia iure communī in media nocte recitari debent. Et ideo refle S. Thom. dixit, Ecclesiasticum officium nonnunquam, videlicet, meo iudicio, iuxta consuetudinem receptam in prouincia, vel patria, incipere a Vespertinis horis: quamuis reuera iure communī, initium sumat à media nocte. Verumtamen consuetudini standum est, quæ initio varia fuisse creditur pro varietate regionum. Et quia consuetudine introductum est, ut Nocturnæ preces ante Solis occasum recitentur, ideo haec solū, non aliae preces recitari possunt.

Secundò obiciunt: Quorū ergo multis Clericis Pontificium priuilegium cōcedit, ut una hora ante Solis occasum Nocturnas preces perfoluant? Siquidem tuta conscientia tribus, aut duabus horis ante Solem occidente recitari queunt? Respondeo, priuilegium cōcedit, ut iuri communī derogetur, quod statut̄ preces nocturnas media nocte solui. Pontifex enim creditur iura scire, non speciales consuetudines religionum, aut locorum, & ita iuri derogat, non consuetudinē: sicut enim consuetudines suum locum, & vim pristinam habere, nisi cum eas exp̄sum tollit, & abrogat. Item non vbiq; vñus obtinetur, ut Nocturnæ preces pridie, tribus, duabus autem horis ante Solis occubitum recitentur à Clericis; ac proinde Pontificium priuilegium locum habet in his regionibus, in quibus huiusmodi consuetudo nō vigerit. Nam ibi Nocturnæ preces iure communī recitari nequeunt, nisi vel ad medium noctem, aut saltem non nisi post Solis occasum: & priuilegium Pontificium dat facultatem, ut ibi hora una ante Solis abscessum recitari possint. S. Q. V. A. R. A. S., unde factum est, ut nocturna preces recitari queant, statim post Solis occasum, & non reliquum officium? Respondeo, quia reliquum officium est diurnum, & nox, non dies, incipit ab occasione solis e. i. defer.

Sextò queritur, Cōminus omnium est opinio, quod ad numerum precationum canoniarum spectat, totum officium Ecclesiasticum in prectione Cōpleta terminata: ea enim, tanquam ultima, omnes septem Canonicas preces finit, & claudit. Vnde & nomen accepit. Quod verò pertinet ad tempus, ultra quod officium Ecclesiasticum deferriri, ac prorogari iure nequit, etiam conuenit inter omnes, illud in media nocte terminari, atque definire: ita ut media nocte elapsa, recitari amplius iure non possit, si qua fuerit precatio canonica prætermissa, quæ ad diem præcedentem spectauerit. Sic Antonin. part. 2. iiii. 9. cap. 12. f. 7. l. 1. & part. 3. iiiii. 13. cap. 4. f. 4. Sylvestr. Hora. quæst. 9. dicta. 6. Nauar. de oris. cap. 3. numer. 54. Obiectus. Officium Ecclesiasticum in prectione Cōpleta terminatur, & clauditur. Sed tempus huic prectioni Horarij iure conueniens est, quod inter Solis occasum, & appertenens noctis tenebras intercedit: ergo Officij Ecclesiastici tempus minimus ad medium noctem vñusque producitur. Respondeo: tempus quod Cōplete congruit, esse totum illud temporis spatiū, quod à Solis occubitu ad ipsas vñque

vique tenebras obscuræ noctis protenditur : & proinde cum precatio Completa sit totius Officij Ecclesiastici finis, & terminus, fit, ut appetentiis noctis obscuræ tenebris, totum Officium terminetur: quia tunc dies finitur, & definit: ac proinde nunc Officium diurnū hora Completa claudit, & terminatur.

Septimo queritur, Undenam Officium Ecclesiasticum incipiat? Respondent passim auctores putantes se S.Thomā in hac parte sententiam se qui, quodlib. 5. ar. vlt. ad i. quod pertinet ad Horiarum precatiorum numerum, non esse dubium, quia à Vespertinis precibus si p[ro]p[ter]e i[n]choet[ur], vt reuera incipit in diebus festis solennioribus. Mihi tamen videtur incipere à nocturnis vigilijs, iuxta Canones, & iura: nam officium Diuinum est quotidianum, & est nocturnum, & diurnum: ac proinde totum, viginti quatuor horarum spatio concluditur, & complectur: at verò officium in celebrioribus diebus festis habet duas Vespertinas preces, diei precedentis, & sequentis. Sed illud habet dubitationem, à quota diei, ac temporis hora Officium Ecclesiasticum sit inchoandum: Quidam breuiter respondent iure communium initium lumere à media nocte, quoniam præcedens in media nocte terminatur ergo eo etiam tempore incipit subsequens officium. Et hæc est communis opinio, vt refert Syl. Hora. q. 9. diff. 6. Deinde, numerus Horarum Canonicularum à Nocturnis vigilijs incipit, sed tempus hujusmodi vigilij iure deputatum, est media nox. His accedit, quod olim Nocturnæ preces media nocte, aut quarta noctis vigilia persoluebantur. Alij senserunt iure communii in festis diebus solennioribus inchoari à Vespera diei precedentis.

Verum ego assentior ijs, qui afferunt tempus, unde iure communii debet Ecclesiasticum Officium inciperenon esse illud, quod post recitatas Vespertinas, & Completas preces proximè sequitur. Sed esse medianam noctem, quo tempore nocturnæ preces iuxta Canones, & iura recitari deberent: nisi effet vnu receptum, vt itatum post Solis occubitum recitentur, & aliquid, vt vna, vel duabus, vel etiam tribus horis ante Solem Occidentem persoluantur. Quod si in diebus festis celebrioribus numerus horarum, vt pridem admonui, à Vespertinis Horis sumit exordium, id non est, quia totum Officium ab Horæ Vespertine tempore suum capiat, ac ducat initium; sed quia officia celebriora, & solenniora duabus constat Vespertinis precibus, videlicet primis in die precedentibus, secundis in die sequenti, & hoc est, quod S.Thomas non obscurè testatur. Quare totum Officium Diuinum iure communii persolvi debet, eo tempore, quod est interiectum à media nocte præcedeante, usque ad medium noctem subsequentem.

Oktauo queritur, An aliquod peccatum committat is, qui intra tempus iure præscriptum, preces Horariorum canonicas, vel anteponit, vel postponit suo nutu, & arbitratu, cū omni careat causa legitima? Nam, quod iustis de causis circa omnepoecatum anteponit, aut postponit queant preces prædictæ, nemo negat. Vmbertus in exposit. Regale S.Benedicti, vt testis est Syluest. Hora. question. 9. diff. 6. lethale ea in re peccatum admitti dicebat.

Sed communi omnium consensu eius sententia rejicitur. Sylvest. loco citato, Angel. Hora. numer. 22. Tota igitur quæstio est, an falso venialis culpa admittatur, Id quidam affirmant, hoc inde probantes, quod si preces anteponantur, aut postponantur sine causa legitima, tempus singulis precibus deputatum non seruat. Deinde, verba, quæ recitantur, minime Officio Ecclesiastico respondent: Ut si quis Prima Horæ officium, ante Solis ortum persoluat, non conuenit, quod in Hymno dicitur: *Iam lucis orto sidere: multò minus,* si Prima Horæ preces longè post Solis occasum apperente media nocte recitentur. Similiter, si Completanam precatorem, quis persoluerit tertia quartâ noctis hora, non congruit id, quod in Hymno dicitur: *Te lucis ante terminam.* Et sic de ceteris precibus Horariorum. Alijs tamen in hoc nulla culpa esse videtur, nisi per contemptum Clericus id faciat, aut periculum illi sit, ne Horarias preces omittat, aut ne eas parum studiosè, attente, & religiosè recitet: non quod contra Ius non faciat, sed quia consuetudini recepta, & quæ Ius scriptum abrogare potest, inseruat. Est enim ubique fieri in more positum, vt Prima absque ullo scrupulo ante ortu Solis recitetur. Teste item Sylvestro, Tertia statim post Primam recitatur; item Prima post Matutinas laudes in aurora recitatas persolui solet in Capella Romani Pontificis. Et consuetudine, Sexta cum Tertia coniungitur, aut Nona cum Sexta, aut Vespertina cum Nona, & Completa cum Vespertina: itaq; secundum Canones, & iura Horariorum preces suis singulæ certis temporibus recitari debent, at iuxta consuetudinem receptam recitantur, vt dixi. Hæc ille: quorum opinio probabilis est.

Obijcies id non conuenire ijs, quæ dicuntur in Hymnis Horarum. Respondent, sicut quotannis in Praefatione, quæ per totam Octauam Paschatis, & Pentecostes recitari solet, dicitur, *Hodierna die, &c.* Et nihilominus aptè ea verba dicuntur: sic etiam de ijs, quæ dicuntur in precibus Horariorum, idem est iudicium: Ea enim non referuntur ad tempora, in quibus talia verba recitantur, sed ad ea tempora, quæ significari, & ad in memoriam reduci, vna cum Ecclesia volumus.

Obijcies secundò, hinc fieri, vt absque ullo peccato Vespertinæ preces, & Completae ante meridiem, & prandium quotidie recitari queant, tametsi præueniendi tempus iusta desit causa: immo totius Officii penitus simul summo mane cuique liceret exoluere, aut ad noctem vique differre. Respondeo, id nequaquam ex dictis confici: nam solum fatemur, eas Horariorum preces simul recitari absque peccato, quando recitantur, prout moris est, etiamsi tempora iure præcripta minime seruentur. Est enim in hac parte potius consuetudinistandum, quam iuri scripto. In more vero positum non est, vt Vespertinæ preces mane, aut ante prandium recitentur, nisi iustis de causis, ac multò minus vnu receptum est, vt totum officium simul persoluerat absque iusta causa. Consuetudo igitur ferè ubique locorum, & gentium vigerit, vt certæ aliquæ horæ simul coniungantur, ac proinde anteponantur, aut postponantur, non tamen omnes.